

WORD

WHAT

What does the Bible say?

²⁷Pagkatapos, kumuha siya ng inumin, nagpasalamat sa Diyos, at ibinigay sa kanila. Sinabi niya, “Uminom kayong lahat nito, ²⁸dahil ito ang aking dugo na ibubuhos para sa kapatawaran ng kasalanan ng maraming tao. Katibayan ito ng bagong kasunduan ng Diyos sa mga tao. ²⁹Sinasabi ko sa inyo na hindi na ako muling iinom ng inuming mula sa ubas hanggang sa araw ng paghahari ng aking Ama. At sa araw na iyon, iinom ako ng bagong klaseng inumin kasama ninyo.”

Mateo 26:27-29

Mapagbigay at mapagmahal ang ating Tagapaglikhang nagbigay ng sapat na pag-aalay upang tugunan ang pinakamalaki nating pangangailangan—ang kaligtasan sa kasalanan. Ginawa ito ng Ama sa pamamagitan ng pagpapadala Niya sa Kanyang Anak na si Jesus. Ang komunyong o ang Mesa ng Panginoon ay isang paraan upang maalala natin ang mahalagang pag-aalay ng Diyos. Hindi dapat natin ito tingnan bilang isang seremonya lamang sa simbahan. Ang totoo’y pinapaalalahanan tayo nito sa mga ilang mahahalagang bagay.

- **Tayo ay pinatawad na.**

“... dahil ito ang aking dugo na ibubuhos para sa kapatawaran ng kasalanan ng maraming tao. Katibayan ito ng bagong kasunduan ng Diyos sa mga tao.”

Mateo 26:28

Ang Kautusan ay nangangailangan ng “pagbubuhos ng dugo bilang handog sa Diyos” para sa kapatawaran ng kasalanan (Hebreo 9:22). Ginagawa ito noon sa pamamagitan ng mga alay na hayop. Ngunit hindi sapat ang mga ito (Hebreo 10:3,4). Ang pag-aalay lamang ni Jesus ang sapat upang bayaran nang buo ang ating mga kasalanan (1 Pedro 3:18). Papaano nabago ang buhay mo ng pagtanggap ng kapatawaran na galing kay Jesus?

- **Tayo ay may kasunduan sa Diyos.**

“... dahil ito ang aking dugo na ibubuhos para sa kapatawaran ng kasalanan ng maraming tao. Katibayan ito ng bagong kasunduan ng Diyos sa mga tao.”

Mateo 26:28

Hindi lamang tayo iniligtas ng alay ni Jesus sa kasalanan kundi binigyang-daan nito ang natatanging pakikipag-ugnayan natin sa Diyos o isang kasunduan (Hebreo 9:13-18). Ang halimbawa ng kasunduan ay kasal kung saan nangangako ang asawang lalaking aalagaan niya’t ipagtatanggol ang kanyang

kabiak. Tulad nito, inaalagaan din at prinoprotektahan ng Diyos ang Kanyang mga tagasunod. Halimbawa ng mga kaloob ng Diyos ay ang malaya nating pakikipag-ugnayan sa Kanya (1 Juan 1:3,6) at ang Espiritong ginagawa tayong Kanyang mga anak (Roma 8:15). Anong kabutihan ang natatamasa mo sa iyong ugnayan sa Diyos?

- **Magkakaroon tayo ng malaking pagdiriwang sa Kanyang pagbabalik.**

²⁹Sinasabi ko sa inyo na hindi na ako muling iinom ng inuming mula sa ubas hanggang sa araw ng paghahari ng aking Ama. At sa araw na iyon, iinom ako ng bagong klaseng inumin kasama ninyo.”

Mateo 26:29

Ang komunyong ay paalala sa ating magkakaroon tayo ng pagdiriwang sa pagbalik ni Jesus. Hindi man tayo hinihikayat ni Jesus na igugol ang panahon sa pag-alam ng kung kailan Siya babalik (Gawa 1:6,7), makakaasa tayong magkakaroon ng isang malaking selebrasyong kasama Siya sa hinaharap. Anong mga pangako ang binigay ni Jesus sa Kanyang Salita patungkol sa Kanyang pagbabalik (Pahayag 21:4, Juan 14:1-4)? Papaano ka natutulungan nitong mamuhay ng maka-Diyos?

SO WHAT

What is the relevance of the Word to my life?

- Ayun sa 1 Juan 1:9, papaano tayo nakatatanggap ng pagpapatawad sa Diyos?
- Kailangang tumupad sa kasunduan ang lahat ng kasama rito. Dahil laging tapat ang Diyos sa atin, ano ang magagawa natin upang tuparin ang bahagi natin sa kasunduan na nakasulat sa Bibliya?
- Sa halip na maubos ang panahon sa pag-alam kung kailan babalik ang kaharian ng Diyos, ano ang hiniling ng Diyos sa Kanyang mga disipulo (Gawa 1:6-8)? Papaano ito nagiging totoo sa atin?

NOW WHAT

How do I apply the Word to my life?

- Ang mga nananampalataya’y mga pinatawad at dapat din na mamuhay nang may kapatawaran. Kung kailangan mong humingi ng kapatawaran o magpatawad, ano ang magagagawa mo ngayong linggo upang magawa ito ng tama?
- Basahin ang mga aklat ng Marcos at Roma sa susunod na mga linggo. Ano ang sinasabi ng mga aklat na ito tungkol sa ugnayan natin sa Diyos? Papaano mo ito maisasabuhay?
- Anong hakbang ang magagawa mo sa mga susunod na araw upang ipaalam sa isang tao na pupwede siyang magkaroon ng ugnayan sa Diyos?